



**გორის მუნიციპალიტეტის  
საკრებულოს  
განკარგულება № 218**

**2023 წლის 8 დეკემბერი  
ქალაქი გორი**

**გორის მუნიციპალიტეტის სოციალური პროექტების თანადაფინანსების პროგრამის  
დამტკიცების შესახებ**

გორის მუნიციპალიტეტის ტერიტორიაზე ათეულობით ორგანიზაცია მუშაობს, რომელთა საქმიანობაც მიმართულია სოციალური სახის პროექტების განხორციელებისკენ, იმ მიზნით, რომ ხელი შეუწყონ მუნიციპალიტეტში არსებული სხვადასხვა პრობლემების გადაჭრას და შემდგომში ამ პრობლემების წარმოქმნის თავიდან არიდებას. „ჯანდაცვისა და სოციალური სერვისების“ განვითარება მუნიციპალიტეტში არსებული სირთულეების გადალახვის ერთერთი ეფექტიანი მიდგომაა, რომლითაც შესაძლებელია პრობლემების მოგვარება და კომპლექსური შედეგის მიღწევა. გორის მუნიციპალიტეტის მერიის შესაბამისი სამსახურები ანალიზებენ შექმნილ ვითარებას და ევროპულ გამოცდილებაზე დაყრდნობით მიიჩნევენ გორის მუნიციპალიტეტში მოქმედი ორგანიზაციების თანადაფინანსებით, უზრუნველყონ ზემოთ აღნიშნული პრობლემების მოგვარება. მსგავსი მიდგომა შესაძლებელს გახდის მაქსიმალურად ბევრი, მოწყვლად ჯგუფს მიკუთვნებული ადამიანის პრობლემის გადაჭრა-მოგვარებას და/ან პრევენციას, ეს ყოველივე კი ხელს შეუწყობს სოციალური კეთილდღეობის გაუმჯობესებას.

ზემოაღნიშნულის გათვალისწინებით, მიზანშეწონილია გორის მუნიციპალიტეტში მოქმედი ორგანიზაციების ხელშეწყობის მიზნით, თანადაფინანსება გაეწიოს ისეთ ორგანიზაციებს, რომლებიც თავისი პროექტების განხორციელებით ხელს უწყობენ გორის მუნიციპალიტეტის ფარგლებში სოციალური მდგომარეობის გაუმჯობესებას.

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-3 და მე-4 პუნქტების, მე-19 მუხლის „ბ“ ქვეპუნქტის და 61-ე მუხლის 1-ლი და მე-2 პუნქტების შესაბამისად, გორის მუნიციპალიტეტის საკრებულო ადგენს:

1. დამტკიცდეს „გორის მუნიციპალიტეტის სოციალური პროექტების თანადაფინანსების პროგრამა“ დანართი №1-ის (თან ერთვის 8 ფურცლად) შესაბამისად.
2. განკარგულება ძალაში შევიდეს ხელმოწერისთანავე.
3. განკარგულების გასაჩივრება შესაძლებელია დაინტერესებული მხარის მიერ მისი გაცნობის დღიდან ერთი თვის განმავლობაში სარჩელის წარდგენის გზით გორის რაიონულ სასამართლოში (მისამართი ქალაქი გორი, სერგო ჯორბენაძის ქ. №30).

საკრებულოს თავმჯდომარე



დავით რაზმაძე



## გორის მუნიციპალიტეტის

### სოციალური პროექტების თანადაფინანსების

#### პროგრამა

1. პროგრამის სახელწოდებაა „გორის მუნიციპალიტეტის სოციალური პროექტების თანადაფინანსების პროგრამა“.
2. პროგრამის განხორციელების არეალია: გორის მუნიციპალიტეტი
3. პროგრამის მოქმედება დაიწყება მისი დამტკიცების დღიდან და დასრულდება 2025 წლის 31 დეკემბერს.
4. პროგრამის ორგანიზაციული კოდი საბიუჯეტო კლასიფიკაციით- 06 02 07
5. პროგრამის დაფინანსების ძირითადი წყაროა გორის მუნიციპალიტეტის ბიუჯეტი
6. პრობლემის აღწერა, მისი აქტუალობის დასაბუთება:  
იმის მიუხედავად, რომ გორის მუნიციპალიტეტის სოციალური და ჯანდაცვის სამსახურის პროგრამები მიმართულია მუნიციპალიტეტში მცხოვრები მოსახლეობის ჯანმრთელობისა და სოციალური პრობლემების მოგვარებაზე, მუნიციპალიტეტში მაინც ბევრი გამოწვევაა რაც სტრატეგიულ მიდგომას საჭიროებს.  
„ჯანდაცვისა და სოციალური სერვისების“ განვითარება მუნიციპალიტეტში არსებული სირთულეების გადალახვის ერთერთი ეფექტიანი მიდგომაა, რომლითაც შესაძლებელია პრობლემების მოგვარება და კომპლექსური შედეგის მიღწევა. გორის მუნიციპალიტეტის შესაბამისი სამსახურები ანალიზებენ შექმნილ ვითარებას და ევროპულ გამოცდილებაზე დაყრდნობით მიიჩნევენ მუნიციპალიტეტში მოქმედი ორგანიზაციების თანადაფინანსებით, უზრუნველყონ ზემოაღნიშნული პრობლემების მოგვარება. მსგავსი მიდგომა შესაძლებელს გახდის მაქსიმალურად ბევრ მოწყვლად ჯგუფს მიკუთვნებული ადამიანის პრობლემის გადაჭრა-მოგვარებას და/ან პრევენციას, ეს ყოველივე კი ხელს შეუწყობს სოციალური კეთილდღეობის გაუმჯობესებას.
7. პროგრამის სამიზნე ჯგუფი, მიზანი და ამოცანები:
  - ა) პროგრამის სამიზნე ჯგუფი:  
პროგრამის სამიზნე მოწყვლად ჯგუფს მიეკუთვნებიან: შეზღუდული შესაძლებლობის მქონე პირები, სერვისიდან გამსვლელი, სოციალურად დაუცველი და ობოლი ბავშვები, ახალგაზრდები, მოხუცები, მარტოხელა მშობლები, ქვრივები, მრავალშვილიანი ოჯახები, დევნილი, ძალადობის მსხვერპლი, ვეტერანი, კანონთან კონფლიქტში მყოფი, ნარკოდამოკიდებული, უსახლკარო და განსაკუთრებული საჭიროების მქონე სხვა პირები.
  - ბ) პროგრამის მიზნია:  
გორის მუნიციპალიტეტში რეგისტრირებული, პროგრამის სამიზნე ჯგუფს მიკუთვნებული მოსახლეობის უფლებების რეალიზება ხარისხიანი სოციალური სერვისის მიწოდების, კეთილსაიმედო გარემოს შექმნის, მათ საჭიროებაზე მორგებული ჯანმრთელობისა და სოციალური მდგომარეობის გაუმჯობესების მიზნით, საზოგადოებაში ინტეგრაციის გზით.



ასევე ძალადობის მსხვერპლთა/დაზარალებულთა ფსიქო-სოციალური რეაბილიტაციის და სამედიცინო დახმარების ხელშეწყობა.

გ) პროგრამის ამოცანებია:

პროგრამის სამიზნე ჯგუფებისათვის სასიცოცხლო და დამხმარე სერვისების უზრუნველყოფა შემდეგი მიმართულებით:

გ.ა. დღის ცენტრების, შინმოვლის და მსგავსი მოდელის სერვისების განვითარება, აგრეთვე სხვა ახალი სერვისების დანერგვა;

გ.ბ. ფსიქო-სოციალური რეაბილიტაცია;

გ.გ. ადაპტირებული და ინკლუზიური სოციალური გარემოს შექმნა;

გ.დ. სოციალური უნარების განვითარება;

გ.ე. დასაქმებისათვის საჭირო უნარების განვითარება;

გ.ვ. ეკონომიკური გაძლიერების ხელშეწყობა;

გ.ზ. საზოგადოებაში ინტეგრაციის და რესოციალიზაციის ხელშეწყობა;

გ.თ. რთული ქცევის მოზარდების და მავნე ნივთიერებებზე დამოკიდებული პირების რეაბილიტაციის ხელშეწყობა.

**8. პროგრამის ორგანიზება და განხორციელების პირობები:**

ა) პროგრამის განხორციელებაზე პასუხისმგებელია გორის მუნიციპალიტეტის მერიის სოციალური და ჯანდაცვის სამსახური;

ბ) თანადაფინანსების მოპოვებისათვის განაცხადების მიღებას ახორციელებს გორის მუნიციპალიტეტის მერია;

გ) თანადაფინანსების პროგრამის ფარგლებში წარმოდგენილი განაცხადების განხილვა, შეფასება მოხდება მუდმივმოქმედი სამუშაო ჯგუფის წევრთა მიერ;

დ) მუდმივმოქმედი სამუშაო ჯგუფი შერჩეულ პროექტებს წარუდგენს მერს დასამტკიცებლად.

**9. თანადაფინანსების მოპოვებისათვის განაცხადების მიღების წესი და მოსარგებლეთა კატეგორია.**

ა) თანადაფინანსების მოპოვებისათვის განაცხადის წარდგენა შესაძლებელია ორგანიზაციის ან და მისი უფლებამოსილი პირის მიერ ქართულ ენაზე შევსებული განაცხადის (განაცხადის ფორმის ელ. ვერსია ხელმისაწვდომია [www.gori.gov.ge](http://www.gori.gov.ge)) წარდგენით გორის მუნიციპალიტეტის მერიის კანცელარიაში. განაცხადი უნდა იყოს შევსებული ბეჭდური სახით, შემდეგი ფორმით:

ინფორმაცია ორგანიზაციის შესახებ	
ორგანიზაციის დასახელება და სამართლებრივი ფორმა:	
ორგანიზაციის რეგისტრაციის ნომერი (რეგისტრაციის შემთხვევაში)	
რეგისტრაციის თარიღი:	
იურიდიული მისამართი:	
ფაქტიური მისამართი:	
ორგანიზაციის ხელმძღვანელის სახელი და	



გვარი:	
საკონტაქტო ელ.ფოსტა:	
საკონტაქტო პირის სახელი და გვარი:	

<b>პროექტის დასახელება:</b>	
პროექტის დაწყების და დასრულების თარიღი:	
პროექტის განხორციელების არეალი:	
პროექტის ჯამური ღირებულება:	
ორგანიზაციის წილი:	
თანადაფინანსების პროგრამიდან მოთხოვნილი თანხა:	

**მოკლედ აღწერეთ ორგანიზაციის გამოცდილება წარმოდგენილ პროექტთან მიმართებაში**  
*(არაუმეტეს 200 სიტყვისა).*

**პრობლემის დასაბუთება**  
 აღწერეთ პრობლემა და დაასაბუთეთ აღნიშნული პროექტის საჭიროება თემში. აღწერეთ ბენეფიციარები და მათი საჭიროებები *(არაუმეტეს 500 სიტყვისა).*

**პროექტის მიზანი/ები და ამოცანები:**  
 რის მიღწევას ცდილობთ თქვენი პროექტით და რა ცვლილებებს ელოდებით თემში პროექტის განხორციელების შემდეგ? (თქვენი მიზნები და ამოცანები ნათლად უნდა შეესაბამებოდეს თანადაფინანსების პროგრამის მიზნებსა და ამოცანებს)

**მოკლედ ჩამოაყალიბეთ პროექტის იდეა და მიუთითეთ კონკრეტული საქმიანობები:**  
*(არაუმეტეს 500 სიტყვისა)*

საქმიანობა/აქტივობა 1:  
 საქმიანობა/აქტივობა 2:  
 საქმიანობა/აქტივობა 3:  
 საქმიანობა/აქტივობა 4:

პროექტის სპეციფიკიდან გამომდინარე დაამატეთ ველი

**პროექტის მყისიერი და გრძელვადიანი შედეგები**

ჩამოაყალიბეთ როგორც თვისებრივი, ასევე რაოდენობრივი მაჩვენებლებით.

**პროექტის სიცოცხლისუნარიანობა (განვითარების გეგმა)**

როგორ აპირებთ მიღწეული შედეგების შენარჩუნებას პროექტის დასრულების შემდეგ? როგორ წარმოგიდგენიათ მისი გაგრძელება? დაინერგება თუ არა ის, როგორც მუნიციპალიტეტში სოციალური სერვისი?

**ინფორმაციის გავრცელების უზრუნველყოფა**

მოკლეთ აღწერეთ, როგორ მოახდენთ ბენეფიციართა შორის გორის მუნიციპალიტეტის, როგორც პროექტის თანადამფინანსებლის შესახებ ინფორმაციის გავრცელებას

**პროექტის საქმიანობის და დროის განრიგი:**

საქმიანობის დასახელება		თვე								
		I	II	III	IV	V	VI	VII	VIII	IX-XI
1										
2										
3										
4										
5										
6										
7										
	პროექტის სპეციფიკიდან გამომდინარე დაამატეთ ველი									

**ბიუჯეტი**

ბიუჯეტი ქმედებების შესაბამისად	ერთეული ს	ერთეულის რაოდენობა	ერთეული ს ტიპი	მუნიციპალიტეტიდან	თქვენი წილი	ჯამი
--------------------------------	-----------	--------------------	----------------	-------------------	-------------	------



	ღირებულება		მოთხოვნილი თანხა		
ხელფასი					
ტრანსპორტირება					
პროექტის სპეციფიკიდან გამომდინარე დაამატეთ ველი					
სულ ჯამი:					

ა.ბ განაცხადის მიღების ვადები:

ა.ბ.ა. I- ეტაპი 2024 წლის 1 იანვრიდან 2024 წლის 31 ოქტომბრის ჩათვლით;

II- ეტაპი 2025 წლის 1 იანვრიდან 2025 წლის 31 ოქტომბრის ჩათვლით

ბ) განაცხადის განხილვა მუდმივმოქმედი სამუშაო ჯგუფის მიერ მოხდება მათი მიღების საბოლოო ვადის დასრულებიდან 1 თვის ვადაში;

გ) გორის მუნიციპალიტეტის მერიის მიერ გადაწყვეტილება მიიღება და პასუხი განმცხადებელ პირს ეცნობება სამუშაო ჯგუფის მიერ მიღებული გადაწყვეტილებიდან 1 თვის ვადაში.

დ) პროგრამით მოსარგებლე (მომხმარებელი) შეიძლება იყოს ნებისმიერი იურიდიული პირი, რომელიც შემოთავაზებული პროექტით მოემსახურება გორის მუნიციპალიტეტში მცხოვრებ და რეგისტრირებულ სხვადასხვა მოწვევლად ჯგუფს მიკუთვნებულ ადამიანებს და უზრუნველყოფს შემოთავაზებული პროექტის თანადაფინანსებას საკუთარი ან/და დონორი ორგანიზაციებიდან მიღებული ფინანსური რესურსით. შემოთავაზებული პროექტი უნდა ითვალისწინებდეს პროგრამის მიზნების და ამოცანების შესრულებას.

**10. წარმოდგენილი პროექტის განხილვა, შეფასება, სამუშაო ჯგუფის შემადგენლობა და უფლებამოსილება:**

- ა. წარმოდგენილი პროექტების განხილვა ხდება მუდმივმოქმედი სამუშაო ჯგუფის მიერ რომლის შემადგენლობას ამტკიცებს გორის მუნიციპალიტეტის მერი, შესაბამისი ბრძანებით.
- ბ. მუდმივმოქმედი სამუშაო ჯგუფი შეგდება არა უმეტეს 9 წევრისაგან;
- გ. მუდმივმოქმედი სამუშაო ჯგუფის მუშაობას ხელმძღვანელობს სამუშაო ჯგუფის უფროსი, ხოლო მისი არყოფნის შემთხვევაში, ჯგუფის უფროსის მოადგილე.
- დ. მუდმივმოქმედი სამუშაო ჯგუფი ხელმძღვანელობს საქართველოში მოქმედი კანონმდებლობით, მათ შორის, საქართველოს ორგანული კანონის „ადგილობრივი თვითმმართველობის კოდექსითა“ და წინამდებარე პროგრამით.
- ე. მუდმივმოქმედი სამუშაო ჯგუფი უფლებამოსილია, თუ მას ესწრება სამუშაო ჯგუფის წევრთა ორი მესამედი.
- ვ. მუდმივმოქმედი სამუშაო ჯგუფის წევრს არ აქვს უფლება თანადაფინანსების პროგრამაში დაფინანსების მოპოვების მიზნით წარადგინოს პროექტი.



ზ. მუდმივმოქმედი სამუშაო ჯგუფის მუშაობა ფორმდება ოქმით, რომელსაც ხელს აწერს სამუშაო ჯგუფის თავმჯდომარე და ჯგუფის ყველა დამსწრე წევრი.

თ. მუდმივმოქმედი სამუშაო ჯგუფის წევრები ინდივიდუალურად აფასებენ წარმოდგენილ პროექტებს და შეფასებისას ხელმძღვანელობს განაცხადის შეფასების წინასწარ გაწერილი კრიტერიუმებით, შემდეგი 5 ქულიანი სისტემით:

ქულა	შეფასება	განმარტება
0	ცუდი	პროექტი არ პასუხობს ამ კონკრეტულ კრიტერიუმს, ან პროექტი ვერ ფასდება არასაკმარისი ინფორმაციის გამო
1	სუსტი	პროექტი არაადეკვატურად პასუხობს ამ კონკრეტულ კრიტერიუმს, შეინიშნება სერიოზული არსებითი სუსტი მხარეები.
2	საშუალო	პროექტი ზოგადად პასუხობს კრიტერიუმს, მაგრამ აქვს მნიშვნელოვანი სუსტი მხარეები, სუსტად დასაბუთებული და არადამაკმაყოფილებელი ხარისხისაა.
3	კარგი	პროექტი კარგად პასუხობს კრიტერიუმს, დასაბუთებულია დამაკმაყოფილებელი ხარისხით, მაგრამ აუცილებელია გარკვეული გაუმჯობესება.
4	ძალიან კარგი	პროექტი ძალიან კარგად, ზუსტად პასუხობს კრიტერიუმს. იკვეთება ორიგინალობა და უპირატესობა, მაგრამ შესაძლებელია გარკვეული დახვეწა.
5	საუკეთესო	გამორჩეული, მაღალი აქტუალობის მქონე პროექტია, რომელიც წარმატებით პასუხობს ყველა კრიტერიუმს. ნებისმიერი ხარვეზი არის არსებითად უმნიშვნელო.

ი. საპროექტო განაცხადების შეფასებას და მათ მოწონებას სამუშაო ჯგუფის წევრები მოახდენენ ინდივიდუალურად ზემოთ წარმოდგენილი კრიტერიუმების მიხედვით;

კ. არ დაფინანსდება პროექტები რომელთა საშუალო ქულა მიიღებს შეფასებას: ცუდი (0 ქულა) და სუსტი (1 ქულა);

## 11. ანგარიშგება და მონიტორინგი

ა) სოციალური და ჯანდაცვის სამსახურის სოციალური და ჯანდაცვის ორგანიზაციებთან ურთიერთობების განყოფილება ამოწმებს თანადაფინანსებული პროექტის და ხელშეკრულების პირობების შესრულების მდგომარეობას, დაფინანსების მიმღების საქმიანობაში ჩარევის გარეშე. მათ შორის, იგი უფლებამოსილია მოითხოვოს თანადაფინანსების მიმღებისგან პროექტთან დაკავშირებული ინფორმაცია და დოკუმენტაცია, განახორციელოს პროექტის ბენეფიციართან, მის კანონიერ წარმომადგენელთან, ოჯახის წევრებთან, ასევე თანადაფინანსების მიმღების პერსონალთან გასაუბრება.

ბ) დაფინანსების მიმღები ვალდებულია, ხელშეკრულებაში დადგენილი პერიოდულობითა (მიმდინარე ან/და საბოლოო ანგარიში) და ფორმით, სოციალური და ჯანდაცვის სამსახურის სოციალური და ჯანდაცვის ორგანიზაციებთან ურთიერთობების განყოფილებას წარუდგინოს პროექტის შესრულების ანგარიში (პროგრამული და ფინანსური). ანგარიში უნდა მოიცავდეს



ინფორმაციას მიმდინარე/განხორციელებული პროექტის/შესრულებული ინიციატივის შესახებ, მათ შორის:

ბ.ა) მონაცემები თანადაფინანსების მიმღების შესახებ (სახელწოდება, საკონტაქტო ინფორმაცია და სხვა);

ბ.ბ) განხორციელებული საქმიანობის/აქტივობების აღწერას და განხორციელების ვადებს (პროექტით დაგეგმილისა და რეალურად განხორციელებულის მითითებით);

ბ.გ) მიღწეული შედეგების შესახებ (პროექტით დაგეგმილისა და რეალურად განხორციელებულის მითითებით);

ბ.დ) გაწეული ხარჯების შესახებ (გორის მუნიციპალიტეტის მერიიდან მიღებული დაფინანსების და დაფინანსების მიმღების თანამონაწილეობის წილის მითითებით).

გ) ანგარიშს უნდა დაერთოს ხელშეკრულებით გათვალისწინებული ხარჯების დამადასტურებელი დოკუმენტები და პროექტის ფარგლებში განხორციელებული ღონისძიებები/აქტივობების განხორციელების დამადასტურებელი დოკუმენტები (ფოტო მასალა, მონაწილეთა სიები და სხვა).

დ) სოციალური და ჯანდაცვის სამსახურის სოციალური და ჯანდაცვის ორგანიზაციებთან ურთიერთობების განყოფილება ახორციელებს დაფინანსებული პროექტის მიმდინარეობისა და შესრულების მონიტორინგს, ამ პროგრამითა და ხელშეკრულებით განსაზღვრული პერიოდულობით, ფორმებითა და წესით.

ე) მონიტორინგი ხორციელდება ანგარიშგების მასალების, მასობრივი ინფორმაციის საშუალებებით გავრცელებული ინფორმაციის ან/და სამსახურის მიერ დამოუკიდებლად მოპოვებული ინფორმაციის ანალიზის საფუძველზე. მონიტორინგი შეიძლება მოიცავდეს პროექტის ფარგლებში დაგეგმილ/განხორციელებულ ღონისძიებაზე დასწრებას.

ვ) თანადაფინანსების მიმღები ვალდებულია მოთხოვნისთანავე წარადგინოს კანონმდებლობით განსაზღვრული დოკუმენტაცია.

ზ) განხორციელებული მონიტორინგის შესახებ სოციალური და ჯანდაცვის სამსახურის სოციალური და ჯანდაცვის ორგანიზაციებთან ურთიერთობების განყოფილება ადგენს ანგარიშს.

## 12. თანადაფინანსების პირობები:

ა. თანადაფინანსების მოსაპოვებლად წარმოდგენილი პროექტისათვის მუნიციპალიტეტიდან მოთხოვნილი თანხის ოდენობა არ უნდა აღემატებოდეს 70 000 ლარს;

ბ. ანაზღაურება მოხდება ორგანიზაციის მიერ პროექტის დასრულების/ინიციატივის განხორციელების შემდეგ, საბოლოო ანგარიშის და სამუშაოს შესრულების ამსახველი/ხარჯების გაწევის დამადასტურებელი დოკუმენტების (მაგ: მიღება- ჩაბარების აქტის, საგადასახადო ანგარიშ-ფაქტურების, სასაქონლო ზედნადებების და ხელშეკრულებით გათვალისწინებული სხვა დოკუმენტაცია) წარდგენის საფუძველზე.

გ. ფინანსურ ანგარიშსწორებამდე სოციალური და ჯანდაცვის სამსახურსა და პროგრამის ფარგლებში დაფინანსების მიმღებ პირს შორის ფორმდება მიღება-ჩაბარების აქტი.



### 13. დამატებითი ინფორმაცია

ა) განაცხადის ფორმას სავალდებულოა თან ერთვოდეს:

ა.ა) უახლესი ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;

ა.ბ) პროექტის მოსარგებლეთა/ბენეფიციართა რაოდენობა და სია ბენეფიციარის ნებართვით, პირადი ნომერი, საკონტაქტო ინფორმაციით;

ა.გ) პროექტის განმახორციელებელი გუნდის წევრთა რეზიუმეები (CV) და რეზიუმეებში (CV) მითითებული ინფორმაციის დამადასტურებელ დოკუმენტაციასთან ერთად.

ბ) მერია, პროგრამის ფარგლებში, ორგანიზაციისთვის თანადაფინანსების გაცემის მიზნით უფლებამოსილია განმცხადებლისგან მოითხოვოს დამატებითი ინფორმაცია;

გ) გორის მუნიციპალიტეტის მერიის გადაწყვეტილების შესახებ განაცხადის წამრდგენ უფლებამოსილ პირს ეცნობება წერილობით;

დ) თანადაფინანსების მიმღებ ორგანიზაციასთან გაფორმდება „თანადაფინანსების ხელშეკრულება“.